

Լ Ո Ւ Ր Ե Ր

■ Խմբագրութիւնս Ամեն. Հայոց վեհ. Կաթողիկոսից նուէր ստացաւ 2 օրինակ էջմիածնատիպ օրացոյց:

■ Լրագիրները հաղորդում են, որ վեհ. Կաթողիկոսը կոնգակով հրամայել է, որ այսուհետեւ հայ հոգևոր հաստատութիւնների մէջ բոլոր գրագրութիւնները լինին աշխարհաբար լեզուով, բացի հայրապետական կոնդակները և մէկ էլ երդումը, որ կրօնական արարողութիւն է համարւում:

■ Հնդկաստանի օրէնսդիր ժողովը վերակազմելու համար, տեղական վաճառականութեան կողմից պատգամաւոր է ընտրուած յայտնի վաճառական պ. Արգարեանցը: Դա յայտնի տոհմի ներկայացուցիչ է, որ ամբողջ դարի ընթացքում տուել է Հնդկաստանին մի քանի աչքի ընկնող գործիչներ դատական և առևտրական ասպարէզներում:

■ Կառավարութիւնը հաստատել է Կովկասի հայոց Հրատարակչական ընկերութեան կանոնադրութիւնը: Կանոնադրութիւնը կազմուել է և առջարկուել պ. Ս. Լիսիցեանի նախաձեռնութեամբ և, ինչպէս հաղորդում է «Հորիզոն» լրագիրը, պ. Լիսիցեանը որոշել է «Լիսիցեան և ընկ» մասնաւոր հրատարակչական խմբի հրատարակութիւնները, միւր գիտեանալով մօտ եօթ հազար ռուբլի արժողութեամբ, նուիրել նորակազմ ընկերութեան: Այդ մասին կզեկուցուի առաջիկայ ընդհանուր ժողովին:

■ Նիւ-Եօրկից հաղորդում են «Բագու» լրագրին. «Եյայտնի հայ հարուստ վաճառական Թավշանճեանի սպանող պ. Համբարձումեանը դեկտեմբերի 6-ին մահուան պատժի ենթարկուեց Սինգօ-Սինգի բանտում էլէքտրական բազկաթոռի միջոցով: Թաւշանճեանը սպանուեց նրա համար, որ հրաժարուեց իրանից պահանջած դրամը վճարել ինչ որ «կուսակցական» պէտքերի համար: Սպանութիւնը իր ժամանակ յուզեց հայ ժողովրդի բոլոր խաւե-

րին, իսկ Նիւթօրկում առաջ բերեց հակա-հայկական հոսանք, որ բարեբաղտաբար, շուտով հանդարտուեց: Այս հանգամանքով է բացատրւում ամերիկեան դատարանի խիստ դատաւճիռը:

Նիւ Յօրկի «Globe»-ը հաղորդում է, որ կին բժիշկ Ռաբինովիչը էլէքտրական մի գործիք է հնարել՝ մեռածներին կեանք վերադարձնող: Այս օրերս նա բժիշկների ներկայութեամբ մի շարք փորձեր է կատարել ճագարի վրայ: Ճագարին սպանեցին ելեկտրական հոսանքով ընդունուած եղանակով և ներկայ եղողները միաբերան նրան մեռած անուանեցին: Ապա տ. Ռաբինովիչը գործածութեան դրաւ իր գործիքը և առաջ բերեց էլէքտրական չափական կոչուած շարժողութիւնը. հոսանքը ուղղելով հերթով սրտին և մէջքի ողնաշարի հիմքին: Երեք րոպէից յետ ճագարի սիրտը սկսեց զարկել և շնչառութիւնը նորոգուեց: Շուտով կենդանին բնական դրութիւն ընդունեց և կէս ժամից յետոյ արդէն թռչկոտում էր սենեակներում: Այնուհետև տ. Ռաբինովիչը ցոյց հանեց, թէ ինչպէս կարելի է էլէքտրական եղանակով ճագարին մեռցնել առանց որևէ նրա համար ֆիսսակար հետեանքների: Նա պնդում է, որ երկու փորձերն էլ կարելի է յաջողութեամբ գործադրել մարդկանց վրայ (Տ. Մ.):

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

— Մեր յարգելի աշխատակիցներին և բաժանորդներին խմբագրութիւնս շնորհաւորում է նոր տարին:

— Մոսկուա. Մ. Շովրեան. ձեր յօդուածը ստացանք և կտպենք յունուարի համարից:

— Ալէքս. Պնչատ.— Ձեր յօդուածը մնաց հետևեալ համարին:

— Ղարաքիսա. Ս. Բօֆֆօր. Ձեր պատկերը մնաց հետևեալ համարում տպելու:

— Էջմիածին: Յ. Պետրոսեան. բանաստեղծութիւնը. ստացանք և կտպուի յունուարի համարում:

ՍՏԱՑՈՒԱԾ ԳՐԻՔՐ

Գրիգոր Մագիստրոսի թղթերը. բնագիրն յառաջաբանով և ծանօթութիւններով առաջին անգամ 'ի լոյս ընծայեց Կ. Կոստանեանց. Ալէքս. 1910:

Մարգար. Գողը. զինուորի յիշատակարանից, հրատ. Միածանի № 2. Թիֆլիս 1910:

Երևանի Հայոց Հոգևոր Թեմական դպրանոցի տեղեկութիւնը. Երևան 1909.

Խմբագիր Հրատարակիչ՝ ԳԻԻՏ Ա. Բ. ԱՂԱՆԵԱՆՑ

